



GISKE KOMMUNE  
Valderhaug 4  
6050 VALDERØYA

Saksbehandler, innvalgstelefon  
Thomas Aurdal, 71 25 84 67

## Giske kommune - Vedtak om løyve til tiltak i sjø (mudring, utfylling og strandkantdeponi) ved Gjøsundet og Gjøsundneset

**Fylkesmannen i Møre og Romsdal har ferdigbehandla søknaden frå Giske kommune, og gjev løyve til mudring i Gjøsundet og utfylling og strandkantdeponi ved Gjøsundneset industriområde. Løyve med vilkår følgjer vedlagt.**

**Vi vedtek eit gebyr på kr 33 300 for sakshandsaminga.**

Vi syner til søknad av 20.02.2020 frå Giske kommune om løyve til tiltak i sjø, og til annan korrespondanse i saken.

### Vedtak

Fylkesmannen i Møre og Romsdal gjev med dette Giske kommune løyve til mudring og sprenging i Gjøsundet og utfylling og strandkantdeponi ved Gjøsundneset industriområde. Løyva er gitt med heimel i *Lov av 13.03.1981 om vern mot forurensning og om avfall* (forureiningslova) § 16, jf. § 16 og i medhald av *Forskrift av 01.06.2004 om begrensning av forurensning* (forureiningsforskrifta) § 22-6. Fylkesmannen har ved avgjerda og ved fastsetting av vilkår lagt vekt på dei forureiningsmessige ulempene ved tiltaket samanheld med dei fordelar og ulempar tiltaket elles vil medføre. Det er satt vilkår for løyva. Løyve med vilkår følgjer vedlagt dette brevet.

Det kan gjerast endringar i løyva i medhald av forureiningslova § 18. Endringane skal vere basert på skriftleg sakshandsaming og forsvarleg utreiing av saken. Ei eventuell søknad om endring må difor føreliggje i god tid før endringa ynskast gjennomført.

At det er gitt løyve gjer ikkje at det ikkje kan vere erstatningsansvar for skade og ulempa eller tap forårsaka av forureining, jf. forureiningslova § 56. Brot på løyva er straffbart etter forureiningslova §§ 78 og 79.

### Bakgrunn

Giske kommune søkte 20.02.2020 Fylkesmannen om løyve til mudring i Gjøsundet og strandkantdeponi og utfylling ved Gjøsundneset industriområde. Berekningar viser eit mudringsvolum på opp til om lag 255 000 m<sup>3</sup> dersom alle opsjonar takast med i tiltaket. Massane



skal i hovudsak plasserast i deponiet/utfyllinga. Mudringa skal utførast for å utvikle den viktige fiskerihamna i Gjøsundet, og massane vil bidra til ei planlagd utviding av kai- og industriarealet på Gjøsundneset. Gjøsundet vart sist mudra i 2002. Tiltaka det no søker om, er planlagd utført i perioden 2021-2022.

## Høyring

Søknaden var på høyring fram til 31. mars 2020. Følgjande innspel og kommentarar vart send inn:

### Bergen Sjøfartsmuseum (28.02.2020)

Sjøfartsmuseet syner til tidlegare fråsegn i saken, men har vurdert saken igjen. Dei kjenner ikkje til kulturminne ved Gjøsund fiskerihamn som kan bli direkte råka av det planlagde tiltaket, og er kjend med at området har vore mudra tidlegare. Dei vurderer potensialet for marine kulturminne i området for dumping til å vere lågt. Dei har ikkje fleire merknadar til inngrepet, men dei gjer merksam på meldeplikta dersom ein under arbeid i området finn skipsvrak, keramikk eller andre marin kulturminne. Arbeidet må stansast straks, og sjøfartsmuseet kontaktast, dersom ein oppdagar slikt materiale.

### Kystverket (27.02.2020)

Kystverket opplyser at dei har mudra i det aktuelle hamnebassenget fleire gongar tidlegare, med varierande djupne. Vidare opplyser dei at det ved land på Valderøy-sida, midtveis ut i hamna, er plassert navigasjonsstang for eit mindre grunnparti som no er planlagt sprengt vekk. Kystverket forventar at tiltakshavar koordinerer sprengingsarbeid, fjerning av denne innretninga og fjerning av en flytestake lenger inne i hamna med dem.

Vidare nemner Kystverket at eksisterande utslepp i hamnebassenget skal sanerast, og dei antar at det vil følgje av ein eigen søknad kor nye sjøførte røyr/leiningar skal gå, slik at desse kan godkjennast etter hamne- og farvasslova. Kystverket skriv at slike ikkje bør ligge i bassenget då dei reduserer djupna og hindrar bruk av anker.

Kystverket nemner at det på deponistaden skal etablerast nye kantsjetéar, dels ved bruk av steinmassar frå eksisterande sjetéar og dels ved tilførsel av nye steinmassar. Kystverket påpeker at det truleg vil vere mykje tilgjengeleg masse frå tunnelarbeidet ved Nordøyvegen.

Kystverket nemner vidare at sjetéane skal hindre at partiklar spreiar seg ut frå området. Dersom splittelekter skal nyttast, må det vere ei opning til bassenget som skal fyllast ut, slik at denne kan kome seg inn og ut. Dette vil i så fall kunne medføre noko spreiling av partiklar, men Kystverket nemner at massane kan fraktast med lastebil over land for å redusere dette. Dei føresett at dei forureina massane plasserast i deponiet først, slik at dei kan dekkast over med reine massar.

Kystverket skriv at utdjuping må gjennomførast før utfylling frå land og kaibygging kan utførast, og påpeker at dette har blitt gjennomgått i møte tidlegare i tilknyting til reguleringsprosessen. Kystverket betraktar utdjuping og arealoppbygging i området som eit positivt bidrag for sjøtransporten i området. Dei orienterer til sist om at det er Ålesundregionens havnevesen som er har mynde etter hamne- og farvasslova i det aktuelle tiltaket.

### Fiskeridirektoratet (16.03.2020)

Fiskeridirektoratet v/Ole Einar Jakobsen opplyste på telefon 16.03.2020 at dei ikkje har noko å legge til den uttala dei ga 09.12.2019. Vi gjev her eit kort samandrag av uttala frå desember:



Fiskeridirektoratet opplyste at det er registrert eit låssettingsfelt i Blomvika ca. 200 meter søraust for utdjupingsområdet og 350 meter sør for utfyllingsområdet. Låssettingsplassen er av fiskarane vurdert som mindre viktig, og har ikkje vore nyttå på lang tid. Ca. 500 meter frå utfyllingsområdet er det eit reketrålfelt, og om lag 900 meter sør for utfyllingsområdet er det eit område for bruk av aktive reiskap, men dei tiltaka som søkjast om ventast ikkje av Fiskeridirektoratet å kome i konflikt med desse. Næraste akvakulturlokalitetar er 10181 Oksebåsen og 12298 Røysa, og desse har ei avstand på minimum 1,3 kilometer til tiltaksområda.

Eit lokalt viktig gytefelt for torsk er registrert 1,9 kilometer unna utfyllingsområdet og 2,3 kilometer unna utdjupingsområdet. Fiskeridirektoratet påpeker at utfylling i sjø generelt kan berøre marinbiologiske tilhøve.

Fiskeridirektoratet påpeker at det ikkje er opplyst kva slags massar som er planlagt nyttå til utfyllinga, og at stein frå sulfidholdige bergartar ikkje kan reknast som reine massar. Vidare påpeker dei ei rekke moglege negative konsekvensar av utfylling i sjø, som blakking av sjøvatn og spreiling av skarpe partiklar, miljøgifter, udetonert sprengstoff og plastavfall frå sprenging. Dei oppfordrar til å redusere partikkelspreiinga mest mogleg. Dei anbefaler generelt at utfylling utførast haust og tidleg vinter, då dette er perioden då livet i kystsona er mest i ro.

Fiskeridirektoratet føresett at tiltaka vert vurdert i forhold til dei nemnde akvakulturlokalitetane og gyteområdet for torsk, og at avbøtande tiltak vert vurdert. Dei nemner siltskjørt som eit mogleg avbøtande tiltak for å redusere spreilinga av partiklar under utfylling.

#### Johan Giskeødegård AS (31.03.2020)

Verksemda skriv at den vil verte svært negativt belasta dersom tiltaka det søkast om settast i gong utan at verksemda sikrast eigna prosessvatn i mudringsfasen. Verksemda skriv at den ikkje sjølv har økonomisk kapasitet til å sikre eigna prosessvatn i denne perioden. Råvatnet i Gjøsundet vil ifølgje verksemda verte av ein kvalitet som gjer det ueigna som prosessvatn i næringsmiddelindustrien under tiltaksperioden, noko som kan innebere at verksemda må stenge ned aktiviteten i den aktuelle perioden.

#### **Vurderingane til Fylkesmannen**

Mudring og dumping av massar i sjø er regulert av forureiningsforskrifta kapittel 22. Forureiningsforskrifta § 22-3 og § 22-4 fastsett eit generelt forbod mot mudring og dumping, men etter søknad kan det gjevast løyve til slik aktivitet i medhald av § 22-6. For utfylling over forureina sjøbotn er det naudsynt med løyve etter forureiningslova § 11. Ved avgjerda har vi lagt vekt på dei forureiningsmessige ulempene ved tiltaket samanheld med dei fordelar og ulempar tiltaket elles vil medføre, jf. forureiningslova § 11, femte ledd. Massar frå mudring er i utgangspunktet å betrakte som næringsavfall, jf. forureiningslova § 27, men vi finn at dei ikkje skal betraktast som avfall i dette tilfellet då dei skal nyttiggjerast til utfylling ved Gjøsundneset, der dei erstattar massar som elles ville ha vorte brukt, jf. § 32.

#### Spreiing av forureining og partiklar

##### *Gjøsundet*

Multiconsult AS har utført miljøundersøkingar på sjøbotnen i området i Gjøsundet som skal mudrast (sjå rapport 712414-RIGm-RAP-001 av 04.03.2015). Konsulenten antar at sjøbotnen i området består av morene med innslag av leire, silt og sand. Totalt 12 prøvar vart analysert. Det var planterestar og H<sub>2</sub>S-lukt i mange av sedimentprøvane. Konsulenten antok at lukta skyldast liten eksponering for straum og bølgjer, og mogleg tilførsel av organisk materiale frå verksemder i nærlieken.



I prøven nærest hamna vart det funne TBT i tilstandsklasse IV, jf. den gamle rettleiaren til Miljødirektoratet, TA-2229/2007. Det vart òg funne koppar og PAH i tilstandsklasse II. TBT vart også påvist i klasse II i alle dei resterande prøvane, men elles var sedimenta i liten grad påverka av forureining. På bakgrunn av funna meiner konsulenten at mudringa kan utførast utan avbøtande tiltak for å hindre spreiling av forureining. Då tiltaket medfører ein risiko for oppvirving og spreiling av partiklar i vassmassane, som kan ha uheldige konsekvensar for fiskeri, fisk og sjøfugl, anbefaler konsulenten at tiltaket overvakast ved måling av turbiditeten og at arbeidet utførast i periodar med liten aktivitet i sjøen.

Fylkesmannen sluttar seg i det vesentlegaste til vurderingane til konsulenten. Turbiditetsmålingar kan vere ein god måte å holde kontroll på spreilinga av partiklar under tiltaket på, jf. vilkår 5.1-4 i løyvet til mudring. Målingane skal gi eit generelt mål på partikkelspreiinga frå tiltaket, men skal også kontrollere at det ikkje vert uakzeptabel partikkelspreiing til naturverdiane vest for tiltaksområdet (sjå avsnittet «Vurderingar etter naturmangfoldlova» for ei nærmare skildring av desse).

Massane frå området ved båthamna i Gjøsundet, der det er påvist forureining i sedimenta, må mudrast tidleg og plasserast nedst i deponiet/utfyllinga, slik at desse lettare forureina massane kan dekkast til med reinare massar.

#### Gjøsundneset

Norconsult AS har utført miljøundersøkingar på sjøbotnen i området på austsida av Gjøsundneset der det skal fyllast ut for å utvide industriarealet (sjå rapport 5199491 av 20.02.2020). Dei fann at sedimenta i tiltaksområdet i hovudsak var sand (partiklar >63 µm), med unntak av lengst sør i området, der det var inntil 19,7 % silt (partiklar med storleik frå 2-63 µm). Det var svært lite finpartikulært materiale (< 2 µm) i området. Prøvar frå fem stasjonar vart analysert.

Miljøtilstanda vart klassifisert etter rettleiaren 02: 2018 *Klassifisering av miljøtilstand i vann*. Ei samla vurdering viste god kjemisk tilstand (tilstandsklasse II) i sedimenta.

Utfylling og oppbygging av strandkantdeponi i det aktuelle området vil kunne medføre ei vesentleg spreiling av partiklar i vassmassane. Ein mindre del av muddermassane som skal deponerast vil vere lettare forureina. For å unngå uakzeptabel spreiling av partiklar og av forureiningar i sjøen, bør difor arbeidet utførast innanfor ein sjeté, som skildra i søknadsdokumenta, jf. vilkår 4.4 i løyvet til utfylling. Muddermassar frå det lettare forureina området ved båthamna i Gjøsundet må plasserast i utfyllingsområdet først, jf. vilkår 4.6, slik at dei kan dekkast til av dei resterande, reinare massane.

#### Sprenging på sjøbotnen

I den ytre delen av området der djupna skal aukast er det ei grunne som truleg må sprengast vekk. Sprenginga må utførast så forsiktig som mogleg av omsyn til bygg og kaier i nærleiken. Storleiken til sprengladningane bør vurderast med utgangspunkt i at negativ påverknad på bygg/kaier og naturmiljø ikkje må være uakzeptabelt stor. Mindre varselladningar for å skremme vekk fisk frå området bør utførast før hovudladningane detoneras, jf. vilkår 4.6 i løyvet til mudring.

#### Vurderingar etter naturmangfoldlova

Fylkesmannen har vurdert tiltaka etter *Lov om naturens mangfold* (naturmangfoldlova) § 8-12. Vurderingane våre har tatt utgangspunkt i Multiconsult og Norconsult sine rapportar frå området (712414-RIG-RAP-001 av 19.12.2014, 712414-RIGM-RAP-001 av 04.03.2015 og 5199491 av 20.02.2020), høyningsuttalene og databasane *Naturbasen* og kartverktøyet til Fiskeridirektoratet. Vi finn at den føreliggjande kunnskapen er tilstrekkeleg til å handsame søknaden, jf. § 8 i



naturmangfaldlova, og vi kan ikkje sjå nokon grunn til å legge særleg vekt på føre-var-prinsippet i denne saken, jf. naturmangfaldlova § 9.

I *Naturbasen* visast eit stort utgreiingsområde for marint vern som byrjar like vest for tiltaksområdet og brua i Gjøsundet. Området har spesielle botntilhøve og eit rikt og produktivt plante- og dyreliv, og verneformålet er å ta vare på desse verdiane.

Ved Blindheimsvik, om lag 1,2 kilometer nordvest for mudringsområdet, er det registrert eit område med freding av dyr. Ved Gjøsundholmen, om lag 2,3 kilometer nordaust for tiltaksområdet ved Gjøsundneset, er det registrert eit naturreservat. Formålet med dette naturreservatet er å ta vare på eit område med eit særskilt biologisk mangfald, ikkje minst er området ein viktig hekkelokalitet for sjøfugl som gråmåse, svartbak og ærfugl. Det er også naturreservat som mellom anna skal ta vare på fugl ved Sætredalen på Valderøya og ved Rørvikvatnet på Vigra. Ved Olmanvika like ved området som skal fyllast ut er det registrert eit beiteområde for vade-, måse- og alcefuglar. Like nordvest for området som skal mudrast er det registrert eit beiteområde for andefuglar.

Vi har satt fleire vilkår i løyva (sjå eget avsnitt) som skal sikre at omsynet til desse naturverdiane vert ivaretatt gjennom at det haldast kontroll på partikkelspreiinga under tiltaka.

I kartverktøyet til Fiskeridirektoratet er det registrert ein låssettingsplass ved Blomvika like søraust for området som skal mudrast. Aust for tiltaksområdet på Gjøsundneset er det registrert fiskeplassar og rekefelt for aktive reiskapar, med ein avstand på om lag 500 meter til tiltaksområdet. Om lag 800 meter sør for Gjøsundneset er det registrert ein annan fiskeplass for aktive reiskapar. Også vest for Gjøsundet, om lag ein kilometer unna mudringsområdet, er det registrert eit større fiskefelt for aktive reiskapar. I Vikebukta, om lag 1,9 kilometer nordvest for mudringsområdet er det registrert ein låssettingsplass. Eit større, lokalt viktig gytefelt for torsk byrjar om lag 1,7 kilometer søraust for Gjøsundneset.

Næraste akvakulturlokaliseringar er 40337 Gjøsundneset på nordsida av Gjøsundet og 39017 Vikane ca. 1,4 kilometer nordvest for tiltaksområdet.

Av omsyn til naturverdiane og fiskeriinteressene i området, må det syrgjast for at spreiinga av partiklar under tiltaka ikkje vert uakzeptabelt stor. Fleire vilkår i løyva skal sikre dette (sjå løyva og tidlegare avsnitt).

Etter § 10 i naturmangfaldlova skal ein påverknad på eit økosystem alltid vurderast ut i frå den samla belastninga som økosystemet vert utsett for. Tiltaksområda er område som er påverka av menneskeleg aktivitet i form av båttrafikk og liknande i lang tid. På bakgrunn av dei avbøtande tiltaka i løyva, kan vi ikkje sjå at tiltaka vil medføre eit vesentleg bidrag til den samla belastninga på naturverdiane i nærområdet.

Etter § 11 i naturmangfaldlova skal tiltakshavar dekke kostnadane ved å hindre eller redusere eventuell skade på naturmangfaldet i eit tiltaksområde dersom dette ikkje er urimeleg med utgangspunkt i karakteren til tiltaket og den eventuelle skaden. I denne saken finn Fylkesmannen det rimeleg at tiltakshavar får gjennomført og dekka eventuelle kostnadar av avbøtande tiltak slik dei vert skildra i løyva. Dei avbøtande tiltaka er også i tråd med § 12 i naturmangfaldlova, der det settast krav til bruk av miljøforvarlege teknikkar og driftsmetodar for å unngå eller redusere skadar på naturmangfaldet.

#### Marin forsøpling



I søknaden er det oppgitt at faren for marin forsøpling under tiltaket er liten, men at entreprenøren vil få beskjed om å vise omsyn til miljøet og varsle dersom det skulle observerast eller inntreffe noko som kan medføre forsøpling undervegs. Ved eventuell bruk av sprengstein til utfylling må det syrgjast for at så lite restar av sprengtråd og anna avfall som mogleg spreias i naturmiljøet, jf. vilkår 4.7 i løvet til utfylling.

#### Prosessvann og innspel frå sjømatnæringa

Verksemda Johan Giskeødagård AS ga i ei uttale til søknaden uttrykk for bekymring for tilgangen på eigna prosessvatn under mudringa i Gjøsundet. I e-post av 21.04.2020 til Fylkesmannen gjev kommunen ein kommentar til verksemda si uttale. Kommunen skriv at det arbeidast med fleire løysingar, der det kan verte aktuelt å nytte anledninga til å lage ei framtidssretta løysing som kan nyttast av fleire verksemder. Kommunen nemner eit felles sjøvassanlegg, og skriv at det er fatta vedtak i formannskapet om økonomisk støtte til eit slikt anlegg. Kommunen presiserer vidare at det ikkje har vore aktuelt å starte mudringa før det naudsynte er avklart. I reguleringsplanen står det følgjande: «Før det blir starta mudring/utbygging eller andre tiltak som kan medføre at sjøvatn i området vert ueigna som råvasskjelde for dagens inntak, skal nye leidningar vere opparbeid og teke i bruk».

I e-post til Fylkesmannen av 31.08.2020 frå Giske kommune v/V. Giskeødegård skreiv kommunen at det no var slått fast at mudringsprosjektet skulle ordne med eit mellombels anlegg til dei eksisterande verksemndene i anleggsperioden, slik at behovet for reint prosessvatn vert dekka. Det vart òg opplyst at dei vil fortsette arbeidet med å finne ei permanent løysing for felles sjøvass-/prosessvass-anlegg i området, som eksisterande og nye verksemder kan knyte seg til når det er klart.

Fylkesmannen føresett at tiltakshavar sørger for at det finnast fram til ei god løysing på spørsmålet om tilgang på eigna prosessvatn under anleggsperioden.

#### Vanndirektivet

Tiltaka skal utførast i vassførekommstane ved namn Ålesund-ytre og Vigrafjorden. Ålesund-ytre har i databasen *Vann-nett* god kjemisk og økologisk tilstand. Vigrafjorden har moderat økologisk og god kjemisk tilstand. Nye inngrep i ein vassførekommst kan, ifølgje *Forskrift om rammer for vannforvaltningen* (vassforskrifta) normalt ikkje utførast dersom tiltaket vil medføre ein reduksjon av den økologiske statusen til førekommsten. På bakgrunn av dei avbøtande tiltaka i løyva finn vi det ikkje sannsynleg at tiltaka vil medføre ein slik reduksjon.

#### Konklusjon

Fylkesmannen i Møre og Romsdal tillét tiltak i sjø etter fastsette vilkår. På bakgrunn av desse vilkåra meiner vi at tiltaka ikkje vil medføre vesentleg spreiing av forureining eller skade på naturmiljøet. Ut ifrå ei samla vurdering ser vi samfunnsnytta av tiltaka som større enn dei mindre, negative effektane på naturmiljøet.

#### **Erstatningsansvar**

Løyve fritek ikkje for erstatningsansvar for forureiningsskade etter forureiningslova § 10 og kapittel 8.

#### **Vedtak om gebyr for sakshandsaminga**

Tiltaket er plassert under gebrysats 6, jf. *Forskrift om begrensning av forurensning* (forureiningsforskrifta) av 01.06.2004 kapittel 39 om gebyr til statskassa for arbeid med løyve og kontroll etter forureiningslova § 39-3 og 39-4. Dette inneber at tiltakshavar skal betale eit gebyr på kr



33 300 for sakshandsaminga. Faktura med blankett for innbetaling vert send ut av Miljødirektoratet. Gebyret forfall til betaling 30 dagar etter fakturadatoen.

Ressursbruken knytt til sakshandsaminga er lagt til grunn ved fastsettinga av gebrysats. Inn under dette hører gjennomgang og høyring av søknaden, korrespondanse med søkeren, og sjølve arbeidet med og ferdigstilling av løyvet. Innsats frå andre fagpersonar hos Fylkesmannen omfattast også.

Vedtaket om gebrysats kan klagast på til Miljødirektoratet innan tre veker etter at dette brevet er mottatt, jf. forureiningsforskrifta § 41-5. Ei eventuell klage bør grunngjevest og skal sendast til Fylkesmannen i Møre og Romsdal. Klagen vert ikkje gitt oppsettande verknad, og det fastsette gebyret må difor betalast i samsvar med det som er bestemt over. Dersom Miljødirektoratet aksepterer klagen, vil det overskytande beløpet verte refundert. Forureiningsforskrifta er tilgjengeleg på [www.lovdata.no](http://www.lovdata.no).

### Offentleggjering av løyva

Vedtaket skal gjerast offentleg kjend, jf. § 36-11 i forureiningsforskrifta. Den som har fått løyve, skal så snart som mogleg kunngjere dette i dagspressa. Kunngjeringa skal innehalde ei kort orientering om løyvet, informasjon om kor ein kan gå for å få innsyn i saksdokumenta og opplysningar om klageinstans og frist for ei eventuell klage på vedtaket. Kopi av kunngjeringa skal sendast til Fylkesmannen i Møre og Romsdal innan ein månad etter at løyvet vart gitt. Eit forslag til kunngjeringstekst er vedlagt. Verksemda kan gjerne nytte sin eigen logo i kunngjeringa. Logoen til Fylkesmannen skal ikkje nyttast.

### Datoar og fristar

- Vedtaket skal offentleggjera i dagspressa så snart som mogleg
- Det skal gjevest melding om oppstart til Fylkesmannen i Møre og Romsdal når tiltaka settast i verk. Meldinga kan gjevest til sakshandsamar på e-post ([fmmrthau@fylkesmannen.no](mailto:fmmrthau@fylkesmannen.no)).
- Løyva er gyldige til 31.05.2023
- Måleresultata i miljørappartane vedlagt søknaden skal registrerast i databasen *Vannmiljø* innan 31.12.2020, jf. vilkår 6.2 i løyvet til utfylling (resultata frå mudringsområdet er allereie lagt inn).
- Rapport i tråd med vilkår 6.1 i løyva skal sendast til Fylkesmannen innan 6 veker etter at tiltaka er utført.

Med helsing

Christian Dahl (e.f.)  
fagleiar

Thomas Aurdal  
overingeniør

*Dokumentet er elektronisk godkjent*

Vedlegg:

- 1 Løyve til mudring
- 2 Løyve til utfylling
- 3 Forslag til kunngjeringstekst



Kopi til:

FISKERIDIREKTORATET  
JOHAN GISKEØDEGÅRD AS

KYSTVERKET (MIDT-NORGE)  
STIFTELSEN BERGENS SJØFARTSMUSEUM

Postboks 185 Sentrum	5804	BERGEN
Sætrehamna 15	6050	VALDERØ
		YA
Postboks 1502	6025	ÅLESUND
Postboks 7800	5020	BERGEN